



Adroddiad Arolygu

Cylch Meithrin Cei Newydd

**Y Caban
Parc Arthur
Cei Newydd
SA45 9QF**

This report is also available in English

Mae'r adroddiad hwn hefyd ar gael yn Saesneg



Dyddiad Cwblhau'r Arolygiad

05/10/2021

Llywodraeth Cymru © Hawlfraint y Goron 2021.

Cewch ddefnyddio ac aildefnyddio'r wybodaeth sydd yn y cyhoeddiad hwn (ac eithrio'r logos) yn ddi-dâl, mewn unrhyw fformat neu gyfrwng, o dan delerau'r Drwydded Llywodraeth Agored. Gallwch weld y Drwydded Llywodraeth Agored ar wefan yr Archifau Gwladol, neu gallwch ysgrifennu at The Information Policy Team, The National Archives, Kew, London, TW9 4DU, neu anfon e-bost at: psi@nationalarchives.gsi.gov.uk

Rhaid i chi atgynhychu ein deunydd yn fanwl gywir a pheidio â'i ddefnyddio mewn cyd-destun camarweiniol.

Cylch Meithrin Cei Newydd

Y math o ofal a ddarperir	Gofal Dydd Plant Gofal Dydd Llawn
Person Cofrestredig	Anne Jones Kerry Jones
Lleoedd cofrestredig	19
Iaith y gwasanaeth	Cymraeg
Arolygiad blaenorol Arolygiaeth Gofal Cymru	28 Tachwedd 2017
A yw hwn yn wasanaeth Dechrau'n Deg?	Ydy
A yw'r gwasanaeth hwn yn darparu'r Cynnig Rhagweithiol ar gyfer y Gymraeg?	Mae hwn yn wasanaeth sy'n darparu'r 'Cynnig Rhagweithiol' ar gyfer y Gymraeg. Mae'n darparu gwasanaeth sy'n rhagweld, yn nodi ac yn diwallu anghenion y Gymraeg ac anghenion diwylliannol pobl sy'n defnyddio'r gwasanaeth, neu a all ei ddefnyddio.

Crynodeb

Mae'r staff yn gwranddo ar y plant ac yn gwerthfawrogi pob ymgais i gyfathrebu. Caiff y plant eu hannog i siarad a mynegi eu barn. Maent yn teimlo'n ddiogel, yn hapus ac wedi setlo am eu bod wedi meithrin cydberthnasau cadarnhaol â'r staff gofal. Mae'r plant yn ddysgwyr gweithgar a chwilfrydig, ac maent yn ymddiddori yn eu gweithgareddau sy'n seiliedig ar chwarae, ac yn llawn cyffro yn eu cylch. Mae'r staff gofal yn adnabod y plant yn dda ac yn rhoi gofal cyson iddynt. Mae'r staff gofal yn darparu amgylchedd magwrus a gofalgarg; maent yn deall anghenion a galluoedd unigol y plant ac yn eu diwallu. Caiff y plant ofal mewn amgylchedd diogel a glân. Mae'r staff gofal wedi nodi unrhyw risgiau diangen i'r plant ac wedi eu dileu gyhyd ag y bo'n bosibl. Mae digon o le a chyfleusterau i'r plant chwarae a dysgu. Mae'r amgylchedd yn hybu annibyniaeth y plant. Caiff ei gadw a'i gynnal yn dda, ac mae wedi'i addurno'n dda. Mae'r dodrefn, y cyfarpar a'r teganau mewn cyflwr da, ac maent yn addas o ran eu dyluniad i anghenion y plant. Mae datganiad o ddiben clir gan y bobl sy'n rhedeg y lleoliad, sy'n cynnig darlun cywir o natur y gwasanaethau sydd ar gael. Mae'r lleoliad wedi meithrin prosesau cyfathrebu clir â'r rhieni ac ymddiriedaeth â nhw, gan weithio gyda nhw i nodi anghenion a dewisiadau unigol y plant. Mae'r staff yn rhoi polisïau a gweithdrefnau'r lleoliad ar waith yn effeithiol er mwyn diogelu llesiant y plant a'i hybu. Cymraeg yw'r brif iaith a ddefnyddir ac mae'r gwasanaeth yn darparu'r 'Cynnig Rhagweithiol' ar gyfer y Gymraeg.

Llesiant

Mae'r plant yn hapus ac yn gyfforddus, ac mae ganddynt gydb berthnasau agos â'r staff sy'n darparu gofal o ansawdd da yn gyson. Mae'r plant yn barod iawn i ofyn i'r staff am help ac i sgwrsio â nhw, gan ddangos eu bod yn gyfforddus â nhw. Clywsom y plant yn mwynhau canu caneuon gyda'r staff. Dywedodd y rhieni wrthym fod eu plant yn mwynhau mynd i'r lleoliad. Mae gan y plant ymdeimlad o berthyn; er enghraifft, mae ardal bersonol gan bob un ohonynt er mwyn storio eu cotiau, eu bagiau a'u gwaith.

Mae'r plant yn rhyngweithio'n dda â'r staff a'r plant eraill. Maent yn gwybod enwau ei gilydd ac yn gweithio gyda'r staff yn hapus wrth symud o un gweithgaredd i'r llall. Wrth chwarae yn yr awyr agored, aeth un plentyn at aelod o'r staff gofal am fod ei ddwylo'n oer, a helpodd yr aelod o'r staff gofal y plentyn i rwbio'i ddwylo i'w cynhesu. Mae'r plant yn dechrau rhannu adnoddau. Maent yn cymryd eu tro wrth chwarae, er enghraifft, pan oedd gormod o blant yn ceisio chwarae o gwmpas y pwll tywod, roedd y plant eraill yn hapus i aros eu tro. Mae'r plant yn dysgu i barchu'r adnoddau a'r teganau ac i wneud yn siŵr eu bod yn cael eu rhoi i gadw ar ôl cael eu defnyddio.

Mae gan y plant lais ac maent yn dylanwadu ar eu gofal, er enghraifft drwy ddewis eu byrbrydau. Cafodd y plant ddewis rhwng banana, grawnwin, afal, ciwi, mefus neu oren. Cafodd y plant ddewis dŵr neu laeth i'w yfed. Maent yn llwyddo i wneud dewisiadau a phenderfyniadau, ac mae'r staff o'r farn bod eu diddordebau yn bwysig. Maent yn hyderus i siarad â'r staff ac â ni ac i fynegi eu hunain. Roedd y plant yn llawn balchder wrth ddangos eu bod wedi llwyddo i wisgo'u cotiau yn annibynnol. Mae hyn yn rhoi hwb i'w hunan-barch a'u hymdeimlad o gyflawniad. Caiff y plant ddigon o gyfleoedd i wneud pethau drostynt eu hunain. Mae'r plant yn gyfarwydd â'r trefniadau yn y lleoliad, ac mae llawer ohonynt yn paratoi i fynd adref heb lawer o help. Caiff y plant eu hannog a'u cefnogi i wneud pethau drostynt eu hunain, megis golchi eu dwylo ar ôl defnyddio'r toiled. Maent yn dewis teganau a gweithgareddau, ac yn rhoi teganau yn eu blychau ar ôl eu defnyddio.

Mae'r plant yn ymddiddori yn eu chwarae ac yn cymryd rhan ynddo yn llawn wrth chwarae yn yr awyr agored. Mae cyfle iddynt ymddiddori mewn gweithgareddau megis chwarae yn y pwll tywod, chwarae ar y teganu reidio neu ddefnyddio'r llithren. Mae'r plant yn archwilio'r amgylchedd yn rhydd ac yn helpu eu hunain i adnoddau yn ystod cyfnodau chwarae rhydd. Fodd bynnag, pan oeddent y tu mewn, bu'r plant yn eistedd am amser hir yn ystod y sesiwn canu a stori ac o ganlyniad, collodd y plant ddiddordeb yn y stori ac roedd pethau eraill yn tynnu eu sylw.

Mae'r plant yn gwrtais ac yn foesgar. Maent yn dangos parch at eiddo a phobl. Mae'r plant yn mynegi empathi ac maent yn sensitif i anghenion pobl eraill. Roedd un plentyn yn teimlo'n drist ac yn ofidus; sylwodd plentyn arall ar hyn ac aeth ato i afael yn ei law a gwneud iddo deimlo'n well.

Gofal a Datblygiad

Mae'r staff gofal yn cydweithio'n dda i ddiwallu anghenion y plant yn effeithiol. Maent yn deall sut i gadw'r plant yn ddiogel ac yn iach. Mae'r staff gofal yn rhoi polisiau a gweithdrefnau effeithiol ar waith, ac maent wedi adolygu gweithdrefnau'r lleoliad yn unol â'r canllawiau sy'n gysylltiedig â phandemig COVID-19.

Mae'r staff gofal wedi cael hyfforddiant cyfredol ar ddiogelu plant, a gallant siarad yn hyderus am ddiogelu a'r gweithdrefnau cywir i'w dilyn petai ganddynt bryder yn ymwneud â diogelu plant. Mae'r staff gofal wedi cwblhau'r hyfforddiant diweddaraf ar gymorth cyntaf pediatrig. Mae'r lleoliad yn darparu byrbrydau iach rheolaidd, ac er nad yw'n cynnig prydau wedi'u coginio, mae'r person â chyfrifoldeb a'r staff gofal yn cydweithio'n agos â'r rhieni i annog y teuluoedd i fwyta'n iach. Mae gan y lleoliad weithdrefnau paratoi bwyd da.

Gwelsom y staff gofal yn chwarae ochr yn ochr â'r plant ac yn annog rhyngweithio cadarnhaol. Mae'r staff gofal yn canmol y plant yn gyson ac yn eu hannog i chwarae ac i weithio gyda'i gilydd. Maent yn gwrando ar farn y plant ac yn eu parchu. Clywsom rhyngweithiadau rhwng y staff gofal a'r plant a oedd yn dangos caredigrwydd a chynhesrwydd. Mae'r staff gofal yn gwrando'n astud ar straeon y plant ac yn datblygu eu dealltwriaeth drwy gwestiynu priodol. Gwelsom fod y staff yn ymateb i'r plant mewn modd caredig; gwnaethant eu cofleidio a gwneud yn siŵr eu bod yn diwallu eu hanghenion sylfaenol.

Mae'r staff gofal yn deall eu rolau a'u cyfrifoldebau o ran cadw'r plant yn ddiogel ac yn iach. Er enghraifft, maent yn gwneud yn siŵr bod y plant yn golchi eu dwylo cyn amser byrbryd ac amser cinio, ac yn rhoi eu llaw dros eu ceg pan fyddant yn pesychu. Roedd trafodaethau â'r staff gofal yn dangos eu bod yn deall y polisi ymddygiad a bod strategaethau cyson ar gyfer rheoli ymddygiad ar waith. Maent yn ymyrryd yn briodol ac yn ddigynnwrf pan fydd y plant yn anghytuno â'i gilydd. Mae'r staff gofal yn rheoli'r rhyngweithio mewn ffordd gynnes, gyfeillgar a thyner. Mae'r staff gofal yn canmol y plant am eu hymdrechion gan ddefnyddio iaith gadarnhaol ac yn eu hannog i fod yn gwrtais a dweud "please" (os gwelwch yn dda) a "thank you" (diolch).

Yr Amgylchedd

Mae'r amgylchedd yn ddiogel, yn lân ac mewn cyflwr da, sy'n darparu lle cyfforddus i'r plant ymlacio a dysgu. Mae'r lleoliad yn ddiogel ac mae'r drysau wedi'u cloi. Mae'r bobl sy'n rhedeg y lleoliad yn cynnal amgylchedd da er mwyn gwella profiadau'r plant. Mae'r bobl sy'n rhedeg y lleoliad wedi nodi risgiau ac maent yn cymryd camau i leihau neu ddileu'r rhain. Mae asesiadau risg ar waith ac mae'r staff yn eu dilyn. Drwy hyn, gwneir yn siŵr bod y staff gofal yn gwybod pa ardaloedd nad ydynt yn hollol ddiogel i'r plant, megis y gegin. Wrth gyrraedd y lleoliad, roedd yn rhaid i ni lofnodi'r llyfr ymwelwyr a dangos manylion adnabod. Mae gweithdrefnau brys, gweithdrefnau tân a gweithdrefnau rheoli heintiau da ar waith.

Mae'r lleoliad yn addas ar gyfer profiadau chwarae a dysgu'r plant. Mae'r amgylchedd yn olau ac yn agored. Roedd y rhan fwyaf o'r ffenestri ar agor er mwyn sicrhau awyru digonol. Mae un man chwarae mawr yn y lleoliad, ac mae'n hawdd cyrraedd y toiledau o'r fan honno. Mae ardal ddiogel i'r plan chwarae yn yr awyr agored gyda chanopi newydd, sy'n darparu cysgod. Mae gan yr ardaloedd chwarae a dysgu ddigon o adnoddau, fel pwll tywod, cegin fwd, twba dŵr, llithren a tŷ bach pren.

Mae'r adnoddau, y teganau a'r llyfrau yn addas, yn lân ac mewn cyflwr da, sy'n golygu bod y staff yn gallu paratoi gweithgareddau â hyder. Mae'r bobl sy'n rhedeg y lleoliad a'r staff gofal yn arddangos posterï Cymraeg sy'n lliwgar ac yn briodol ar y waliau, yn ogystal â gwaith celf y plant. Mae hyn yn rhoi ymdeimlad o gyflawniad i'r plant. Caiff y teganau a'r adnoddau eu storio ar lefel sy'n addas i daldra'r plant, gan hybu annibyniaeth y plant wrth iddynt helpu eu hunain i'r eitemau hyn. Mae amrywiaeth eang o deganau ac adnoddau ar gael, gan gynnwys gweithgareddau crefft, posau jig-sô, ceir, briciau, trê, tŷ doliau ac anifeiliaid.

Arwain a Rheoli

Mae'r bobl sy'n rhedeg y lleoliad yn newydd i'r rôl ac yn ymrwymedig i welliannau parhaus. Mae ganddynt weledigaeth arloesol ar gyfer dyfodol eu busnes, ac maent yn rhannu'r weledigaeth honno â rhieni a gofawyr y plant. Mae dau berson cofrestredig ond dim ond un ohonynt sy'n weithredol. Ers dechrau yn y rôl, mae'r bobl sy'n rhedeg y lleoliad wedi gwneud llawer o newidiadau cadarnhaol i'r lleoliad, gan gynnwys paentio drwyddi draw, gosod system wresogi newydd a chreu canopi i gynnig cysgod yn yr ardal awyr agored. Mae adolygiad o ansawdd y gofal wedi'i gwblhau ac ar waith, sy'n ystyried barn y plant, rhieni a gweithwyr addysg proffesiynol eraill.

Roedd y staff gofal a oedd yn bresennol yn ystod yr arolygiad yn gweithio'n dda fel tîm, ac roedd pob un ohonynt yn ymwybodol o'i rolau a'i gyfrifoldebau, ac yn arwain y plant mewn modd priodol. O ganlyniad i hynny, roedd y plant wrth eu bodd â'r gofal roedd y staff brwdfrydig yn ei roi iddynt. Mae'r staff gofal yn hapus yn eu swyddi ac yn ymwybodol o'r strwythur rheoli, ac yn gwybod â phwy y dylid cysylltu os oes angen cymorth arnynt. Ceir cydberthnasau cadarnhaol â'r rhieni a gweithwyr proffesiynol eraill, ac maent yn cyfrannu at lesiant y plant. Maent yn cadw'r ffotograffau o waith y plant mewn llyfrau lloffion sy'n cael eu hanfon gartref at y rhieni pan fydd y plant yn pontio i'r ysgol gynradd leol. Mae'r bobl sy'n rhedeg y gwasanaeth yn cadw cofnodion o ddigwyddiadau a damweiniau, ac yn eu rhannu â'r rhieni.

Mae'r bobl sy'n rhedeg y gwasanaeth yn wybodus am arferion gofal plant presennol, a nodir hyn yn y Datganiad o Ddiben sy'n hawdd ei ddeall ac yn gynhwysfawr. Maent yn diweddarau eu polisiâu a'u gweithdrefnau fel sy'n ofynnol, ac yn eu rhannu â phob aelod o'r staff. Drwy hyn, gwneir yn siŵr bod pawb yn gyfarwydd â'r holl brosesau i'w dilyn. Mae'r bobl sy'n rhedeg y gwasanaeth cynnal sesiynau goruchwyllo rheolaidd ac ystyrlon sy'n cefnogi'r staff gofal gyda'u rôl, eu gwaith dysgu a'u datblygiad ac unrhyw broblemau o ran perfformiad a all godi. Roedd y person â chyfrifoldeb yn trefnu'r staff yn briodol i oruchwyllo tasgau a gweithgareddau yn effeithiol ac i gefnogi'r plant. Mae staff wrth gefn ar gael ar gyfer absenoldebau staff.

Yn ystod yr ymweliad, nid oeddent yn cydymffurfio'n llawn â'r rheoliadau a'r Safonau Gofynnol Cenedlaethol am nad oedd ffeiliau'r staff gofal yn cynnwys yr holl wiriadau angenrheidiol, gan gynnwys geirdaon a hanes gyrfu er mwyn sicrhau eu bod yn addas i weithio gyda phlant. Fodd bynnag, yn ystod y broses arolygu, unionwyd hyn a chadarnhaodd y person cofrestredig fod ffeiliau'r staff bellach yn gyflawn.

Mae gan y bobl sy'n rhedeg y lleoliad bartneriaethau cadarn a chysylltiadau da â'r gymuned ehangach. Gwnaethant egluro eu bod yn aml yn defnyddio'r clwb pêl-droed lleol, sydd drws nesaf i'r cylch meithrin. Gall y plant ddefnyddio'r cae pêl-droed a'r cyrtiau tenis yn rheolaidd

er mwyn datblygu eu hiechyd a'u llesiant. Eglurodd y bobl sy'n rhedeg y lleoliad wrthym hefyd eu bod yn mynd â'r plant i'r parc lleol yn rheolaidd.

Argymhellion i gyrraedd y Safonau Gofynnol Cenedlaethol

A1 Sicrhau bod gweithgareddau pwrpasol ac amserol yn cael eu darparu yn unol ag amserlenni a gwaith cynllunio;

A2 Diweddarau'r wybodaeth am y person cofrestredig a ddelir gan AGC drwy'r cyfrif ar-lein.

**Meysydd i'w gwella a chymau a gymerwyd yn yr arolygiad blaenorol neu ers hynny.
Wedi ei gyflawni**

**Meysydd i'w gwella a chymau a gymerwyd yn yr arolygiad blaenorol neu ers hynny.
Heb ei gyflawni**

Dim	
-----	--

Meysydd lle y mae angen gweithredu â blaenoriaeth

Dim	
-----	--

Meysydd lle y mae angen gwneud gwelliannau

Dim	
-----	--

Dyddiad Cyhoeddi 10/11/2021